



Broj predmeta: 13-000122/22
Broj akta: 01.1-1413EK-0005/22
Datum, 17.01.2022.. godine
Mjesto, Brčko

Na osnovu članova 16. i 17. Zakona o Vladi Brčko distrikta BiH – prečišćeni tekst („Službeni glasnik Brčko distrikta BiH“, broj: 22/18, 49/18, 08/19, 10/19, 32/19) i članova 17 stav (1) i 18 stav (1) Zakona o javnim nabavkama BiH („Službeni glasnik BiH“, broj: 39/14), gradonačelnik Brčko distrikta Bosne i Hercegovine donosi

POSEBNU ODLUKU

O POKRETANJU POSTUPKA JAVNE NABAVKE

Član 1

Brčko distrikt BiH- Odjeljenje za zdravstvo i ostale usluge, u skladu s potrebama, na osnovu člana 25 (otvoreni postupak) Zakona o javnim nabavkama BiH pokreće postupak javne nabavke PCR testova za detekciju COVID-19 iz humanih respiratornih uzoraka i seroloških testova za detekciju IgM i IgG antitijela na CoVID 19 sa potrošnim materijalom za potrebe Odjeljenja za zdravstvo i ostale usluge-Pododjeljenja za javno zdravstvo za 2022. godinu.

Član 2

- (1) Procijenjena vrijednost javne nabavke iz člana 1. ove Odluke iznosi ukupno 730.500,00 KM bez uračunatog iznosa PDV-a, a podjeljeno po lotovima:
- Lot 1 – Real time PCR kitovi za detekciju COVID 19 sa potrošnim materijalom- 586.000,00 KM bez uračunatog iznosa PDV-a,
 - Lot 2 –Potrošni materijal za detekciju COVID19- 43.500,00 KM bez uračunatog iznosa PDV-a,
 - Lot 3 – Serološki test za detekciju IgM i IgG antitijela na CoVID 19 u serumu ili punoj krvi kompatibilni sa Afias analizatorom- 51.000,00 KM bez uračunatog iznosa PDV-a,
 - Lot 4 -SARS-COV-2 testova za PCR aparat (GeneXpert sistem) za detekciju COVID 19 sa potrošnim materijalom- 50.000,00 KM bez uračunatog iznosa PDV-a.
- (2) Referentni brojevi iz jedinstvenog rječnika javnih nabavki (JRJN) za predmetnu nabavku su:
- Lot 1: 33124130-5,
 - Lot 2: 33696500-0, 38437110-1, 33192500-7, 38437100-8
 - Lot 3: 33124130-5
 - Lot 4: 33124130-5.

Član 3

Nabavka iz člana 1 ove odluke biće finansirana iz sredstava budžetske rezerve Budžeta Brčko distrikta Bosne i Hercegovine za 2022. godinu.

Član 4

Nabavka iz člana 1. ove Odluke vršiće se putem otvorenog postupka sa međunarodnom objavom.

Predviđeno je zaključivanje okvirnog sporazuma, kao i provođenje e-aukcije

Član 5

Ova Odluka stupa na snagu danom donošenja.

Dostavljeno:

1. Odjeljenje za stručne i administrativne poslove - Pododjeljenje za javne nabavke
2. Kancelarija gradonačelnika
3. Služba za administraciju i statistiku
4. Pododjeljenje za javno zdravstvo
5. Evidencija
6. Arhiva



Obrazloženje

Kako nije usvojen Plan nabavki za 2022. godinu ugovornog organa Brčko distrikta BiH, potrebno je pokrenuti postupak nabavke bez usvojenog Plana nabavke, a s obzirom na potrebu nabavke PCR testova za detekciju COVID-19 iz humanih respiratornih uzoraka i seroloških testova za detekciju IgM i IgG antitijela na COVID 19 sa potrošnim materijalom, kako bi se osigurao nesmetan rad.

S obzirom na još uvijek prisutnu epidemiju COVID 19, u cilju zaštite zdravlja stanovništva, Štab za zaštitu i spašavanje donio je Naredbu, broj: 02-000033/21, broj akta: 01.1-1413EK-180/22 od 12.01.2022. godine. Naredbom je zaduženo Odjeljenje za zdravstvo i ostale usluge- Pododjeljenje za javno zdravstvo da pokrene postupak javne nabavke dodatnih količina testova za detekciju SARS-COV-2 i to 17000 PCR testova i 3500 testova za serološko ispitivanje na korona virus.

Takođe, pomenutom naredbom je propisano da će ova nabavka biti finansirana iz sredstava rezervi Budžeta Brčko distrikta BiH za 2022. godinu.

Imajući u vidu neophodnost i procijenjenu vrijednost, konkretna nabavka se provodi putem otvorenog postupka sa međunarodnom objavom, te je predviđeno zaključivanje okvirnog sporazuma, kao i provođenje e-aukcije.